



**TUTTU**  
UUMASUT INUA



**QUPPERNERIT TULLIINI TUTTU PILLUGU**  
**OQALUTTUAQ TUSASSAVAT**  
**- PIKKORISSORUJUSSUVOQ UUMASORPASSUILLU**  
**IKIORTARLUGIT. TUSARNAARLUARIT!**



UUMASUT UAGUTSINNUT INUNNUT  
NERISASSAQARTITSISARPUT INUUNITSINNILU  
TUNNGAVISSAQALERSITSILLUTIK  
AAMMALU PINNGORTITAMI  
NERISAREQAQATIGIINNERMI ILAALLUTIK.  
UUMASUT INUATA UUMASUT NAJORTAGAASA  
MINGUTSINNEQANNGINNISSAAT  
AKORNUSERSUISOQANNGINNISSAALU  
SORSUUTIGAA.



## TUTTU, UUMASUT INUAT

Ullut ilaanni Tuttu qaqqakkoorluni pisuppoq. Ulloq tamaat pisussimavoq qaqqakkoorlunilu pisulluni aliannaarsaarsimalluni, pinngortitamiipput qasertut, qorsuit qaqtortullu allaanatik uumasorujussuit sinittut. Qooqqut alianaatsut aqqusaartorlugit ingerlavoq. Siulleq naasuaqqanik sikkenilinnik qalipaaterpassualinnik ulikkaarpoq, tullia paarnanik kigutaarnanillu inerisimallutik taartunik qalipaatilinnik mamassusilippassuarnillu ulikkaangajalluinarsimavoq. Tuttup Naasu naasunillu paarsillaqqinnerujussua eqqarsaatigaa, tulliani naapikkuniuk paarnanut tungusunnittunut qutsaviginissaa eqqaamaniartussaavaa. Ulloq ataaseq pisoqqereerluni, tuttut, umimmaat, nattoralit timmiaaqqallu takoreerlugit sissamut apuuppoq. Qaqqat immap tungaanut sivingalaarpoq, sissarlu sioralik innat portusuut akornanni kiggisimasutut illuni ilusinissimavoq. Tuttu unikallarniarluni aalajangerpoq sioqqanullu igilluni.

Nattoralik qulaavaallugu qutsissumi aarsaapoq sullu tamaasa nakkutigalugit. Eqqissisimavoq, tassami nalunngilaa susoqassappat nattoralip oqaluttuukkumaaraani. Tuttu sioqqanut innakarpoq sinileriartuaalerlunilu, suut tamarmik eqqissisimasutut immata nuannaarpoq, seqernup qinngorneri malugisinnaavai, torsusuunillu meqqoqarnera pissutigalugu ippinat paamisaarpallaanngilaat – taakuami aamma pinngortitap oqimaatigiinnerani inissaqartussaapput.

Tassangaannaq tupalluni qisuariarluni iterpoq. Nattoralik sanianiippoq, nillialluni sulorujussuanilu niaquata tungaanut aalatillugit. Paatsiveeruteqqalaarluni ingippoq, eqqisilluni sinngusarnerminiit iteriataarnermi kingorna qaatunniarsaraluni. Nattoralimmi takusinnaavaa ajortoqartoq. Nattoralip pinngortitap ingerlaartarnera nalunngitsorujussuuaa. Nalunngilaa nannut puisinik nerisartut, puisit aalisakkanik nerisartut aalisakkallu naasunik nerisartut. Taamaattumik nalinginnaasuunngitsunik ajortoqarsimasaaq, taamaangippammi nattoralik maannakkut qisuariarnermisuut iliussanngikkaluarmat. Tuttu nikuipallappoq qaqqanguarmullu qanittumiittumut arpalluni, ungasinerulaartoq takusinnaajumallugu. Qaqqamut seqinnersumut qorsooqqissumut apuummat suut tamarmik eqqissisimasutut ajunngitsutullu isikkoqarput. Taamaattumik eqqani tamaat qinilerpaa, takuaalu nattoralik imaani sumiiffimmi aalajangersimasumi kaaviiartoq. Tappinnini atorluarnialeramiuk takusinnaalerpaa puisip anaanaq piaqqani imaani uninngaannartoq kaavikkaa – ajoquteqarpassipporlu.

Tuttu sissamut arpaqqippoq aammalu puisi anaanaq suaarlugu piaqqani nunamukaatissagaa. Puisip anaanaq ilungersortorujussuulluni piaqqani sissamukaappaa, Tuttullu piaraa nunamut nusullugu qaqqipaa. Anaanaq piararlu qasulluinarsimapput, anaanaata ikiuunniarluni, piararlu tungujortunut eqqumiitsunut deqqussanut assingusunut, kisianni qeqquaannngitsunut, nermussimagami. Piaraq equsaarpoq aammalu tungujortup nermusimanagera pissutigalugu nikeriarsinnaannginnini nuanniigalugu. Tuttup taanna suunersoq nalornisorujussuuvoq.




Tassanngaannaq Tuttup tungujortoq sissamut tipisoq aammalu immap killingani malliniittoq takulerpaa. Maannakut takusinnaalerpaa taanna tassaasoq puussiaq plastikki. Tuttu eqqarsapallappoq puisip piaraani nermusimasoq aammalu aalasinnaajunnaarsitsisoq taamaattuusinnaasoq. Taamaattumik inussani takisuut nukittuut marluk puussiap plastikkip puisimut nermusimasup ataanut manguppai. Nusuulerpaa pisinnaasanilu tamaat puussiaq plastikki puisip piaraaniit peerniarsarilerlugu.

Minutsialunnguit qaangiummata Tuttup puussiaq plastikki puisip piaraaniit peerpaa, aalasinnaangorteqqillugu. Uivereernermi kingorna marlussoriarluni quersorpoq Tuttulu qungujullugu. Puisip piaraa maannakut aalasinnaaqqilerpoq.

Tuttup puisip piaraa anaanaata utaqqimmagu imaanut uternissaanut ikiorpaa, qujamasuttorujussuovoq nuannaarlunilu Tuttu meeqqat suaartarmanni saqqummersimammatt. Tuttu sissamut uterluni ingippoq. Puisip piaraa ikiorsinnaagamiuk oqiliallaatigaa, kisianni puussiat plastikkit imaani siammarsimasut takusinnaagamigit aarlerissutigaa – assersuutigalugu uumasut nerippasigit imaluunniit puisip piaraasuulli nermuttoorpata, taakkununga ajoqutaalersinnaapput. Immap iluani puussiat plastikkit nuarlunnu assingupput, aammalu puussiat plastikkit navianartuusut aammalu nuarlunngitsut navianangitsut, uumasut takusinnaangilaat.

Siku oqaloqatiginiarlugu aalajangerpoq, taamaattumillu ugartinniarlugu nattoralik aallartillugu. Nalunaaquttap akunnialui qaangiuttut nattoralik qilammi tungujortumi sulussuarminik timmilluni takkuppoo. Maannakut Tuttu immap inuanut aqqummik ajoqersuutilerpaa. Pinngortitap paarsisui marluk taakkua Tuttup puisinik puussianillu plastikkinik nalaataat oqaluuserilerpaat. Tuttup tupaallaatigisaanik Sikup oqaluttuaraa puussiat plastikkit allallu eqqakkat imartani sumiiffini arlalinni tissukartut, taakkua inuit eqqagaanneersut eqqaavissuarneersullu. Timmissat, aalisakkat uumasullu arlallit kukkunikkut plastikkinik nerisimasut naarlulersimasullu oqaloqatigisimavai. Tuttu aamma Siku isumaqatigiipput inuit pinngortitamut eqqaasannginnissaannik aammalu plastikkit isumagisarnissaannik ikiorniarlugit



NUNARSUAQ TAMAKKERLUGU ANGUNIAKKAT:



# NUNARSUARMI ANGUNIAKKAT

**NUNARSUARMI ANGUNIAKKAT** 14 aamma 15 imaani uumassusilinnut nunamilu uumassusilinnut tunngassuteqarput. Tassa imaappoq aalisakkat, uumasut timmissallu tamarmik. Uumasorpasuit plastikkit imaaniilertartut pinngortitamiiertartullu ajornartorsiutigisarpaat. Plastikkit pinngortitamiiertannginnissaat qanoq iliuseqarfigineqarsinnaanersoq oqaluuserisiuk, immaqa silami eqqakkanik katersisinnaavusi eqqaavimmullu iginneqarnissaat isumagisinnaallugu. Pinnguaritsi Tuttuullusi Sikuullusilu, nunarsuarmi plastikkeqannginnissaanut ikiuullusi.

FIND VERDENSMÅLSKORTENE  
FREM I BAMSEKASSEN OG SNAK OM  
OVENNÆVNTE VERDENSMÅL

